

CNS0229

R GB 08-11 00159 BH076

bah

TUMPUAN PENUH KEPADA UCAPAN DR MAHATHIR

Mahathir - UMNO (Ucapan)

KUALA LUMPUR, 8 Nov (Bernama) -- Ucapan lebih sejam Perdana Menteri, Datuk Seri Dr Mahathir Mohamad ketika msrasmikan Perhimpunan Agung UMNO di Dewan Merdeka, Pusat Dagangan Dunia Putera, disini hari ini mendapat perhatian penuh daripada para perwakilan dan pemerhati, termasuk daripada negara-negara asing.

Pada keseluruhannya, hadirin khusyuk sekali mendengar ucapan itu dengan perwakilan memberitentukan gemuruh setiap kali Perdana Menteri memberi penekanan kepada hal-hal tertentu.

Datuk Seri Dr Mahathir, yang juga Presiden Umno, akan meninggikan sedikit suaranya dan memperlahankan tempo ucapannya ketika menyampaikan perkara-perkara penting.

Gelak ketawa hadirin juga kedengaran apabila Perdana Menteri sekali-sekala menyelitkan ucapannya dengan kata-kata jenaka.

Pada satu ketika, dewan bergema dengan ketawa apabila Perdana Menteri mengusik hadirin dengan kata-kata; +tepu tidak berapa kuat pun+ apabila mendengar tepukan yang tidak bermaya ketika beliau menimbulkan satu perkara penting dalam ucapannya.-- Lagi

♥08/11/14-18MST

R GB 08-13 00132 RHO77

bah

Mahathir - UMNO (Ucapan) 2 Kuala Lumpur (akhir)

Dewan sekali lagi bergema dengan ketawa apabila Datuk Seri Dr Mahathir menyebut nama +Pak Man Telo+ (yang dikaitkan dengan skim cepat kaya) sebagai contoh bagaimana seseorang peniaga Bumi putera menjual lesen perniagaannya kepada bukan Bumi putera untuk segera menjadikaya.

Perdana Menteri, yang berpakaian baju kebangsaan berwarna jingga, disambut dengan tepukan hadirin yang berdiri ketika beliau bersama Timbalan Presiden Umno, Encik Ghafar Baba dan Setiausaha Agung Umno, Datuk Mohamed Rahmat masuk untuk mengambil tempat masing-masing di dalam dewan sebelum persidangan bermula.

Perhimpunan itu bermula dengan bacaan doa oleh Menteri Besar Terengganu, Tan Sri Haji Wan Mokhtar Ahmad, disusul dengan nyanyian beramai-ramai lagu +Bersatu Bersetia Berkhidmat+ dan +Umno Teras Nsgarat dengan jirngan koir Umno.-- Bernama

♥08/11/14-20MST